



REPUBLIKA E SHQIPËRISË
MINISTRIA E TURIZMIT DHE MJEDISIT
AGJENCIA KOMBËTARE E MJEDISIT
DREJTORIA E VLERËSIMIT TË IMPAKTIT DHE LIÇENSIMIT

AN141220220004

Tiranë, më: 10.01.2023

Komisioni 5

DEKLARATË MJEDISORE

Në mbështetje të Ligjit Nr. 12/2015 “Për disa ndryshime në ligjin nr. 10440, datë: 07.07.2011, “Për Vlerësimin e Ndikimit në Mjedis”, VKM Nr. 686, datë 29.7.2015 “Për miratimin e rregullave, të përgjegjëseve e të afateve për zhvillimin e procedurës së vlerësimit të ndikimit në mjedis dhe procedurës së transferimit të vendimit e deklaratës mjedisore” dhe me propozim të Agjencisë Kombëtare të Mjedisit, Ministri

VENDOSI:

Lëshimin e Deklaratës Mjedisore për **Zhvilluesin** me të dhënat si më poshtë:

Person Juridik: “EDG NATURAL GAS” Sh.p.k

Nr. NIPT-i: M11707029T

Adresa e selisë: Rruga e Elbasanit, Vila Nr.71, Njësia Administrative Nr.2, Tiranë.

Personi përgjegjës: Erald Bakiu

Për të zhvilluar projektin: “**Zhvillimi dhe Prodhimi i Hidrokarbureve në vendburimin Frakull. (3 puse egzistuese Frakull-19, Frakull-109, Frakull-36b dhe shpim i një pusi të ri Frakull-115)**”.

Aplikimi është bërë referuar Ligjit Nr. 10440, datë 7.7.2011 “Për Verësimin e Ndikimit në Mjedis”, Shtojca I, “Projektet që i nënshtrohen Procedurës së Thelluar të Vlerësimit të Ndikimit në Mjedis”, Pika 14. Nxjerrja e naftës dhe e gazit natyror për qëllime tregtare, ku masa e nxjerrë e tejkalon nivelin prej 50 tonë/ditë në rastin e naftës dhe 10 000 m³/ditë në rastin e gazit.

Vendndodhja: Njësia administrative Frakull e Madhe, Levan, Bashkia Fier, Qarku Fier.

Rehabilitim i puseve ekzistuese: Frakulla-19,

Frakulla-109

Frakulla-36b

Hapje pus i ri: Frakulla-115 (Fr-115)

(Bashkangjitur vendimit, gjeni aneksin I me hartën topografike dhe koordinatat metrike, ku tregohet vendodhja e objektit,)

Bazuar në nenin 12, të ligjit nr. 10440, datë 7.7.2011, “Për vlerësimin e ndikimit në mjedis”, i ndryshuar, i sugjerohet autoritetit planifikues:

Miratimi i lejes/licencës së zhvillimit të atij projekti, me kushtet që duhet të përmbushen nga zhvilluesi, për të parandaluar, minimizuar dhe menaxhuar ndikimet negative në mjedis;

Bazuar në pikën 2, të nenit 12, të ligjit nr. 10440, datë 7.7.2011, “Për vlerësimin e ndikimit në mjedis”, të ndryshuar, më poshtë po listojmë:

1. Qëndrimin e Ministrisë dhe sipas rastit, kushtet që duhet të përmbushen nga zhvilluesi:

Drejtoritë Teknike të Ministrisë shprehen: □ Në zbatim të legjislacionit përkatës për fushën e cilësisë së ajrit në mjedis, sugjerohet që gjatë fazës së ndërtimit, të mbahen në konsideratë rekomandimet e mëposhtme:

- Të respektohen normat e lejuara të shkarkimeve në ajër të ndotësve të gaztë dhe lëndës së ngurtë pezull, në zbatim të VKM-së nr. 435, datë 12.9.2002 “Për miratimin e normave të shkarkimeve në ajër në Republikën e Shqipërisë”;
- Të spërkatet rregullisht me ujë sheshi i ndërtimit dhe rrugët e transportit, për mbajtjen nën kontroll të pluhurformimit, si dhe forcimin e zbatimit të këtyre masave edhe më shumë në kohën e thatë dhe me erë, në zbatim të VKM-së nr. 412, datë 19.6.2019 “Për miratimin e planit kombëtar për menaxhimin e cilësisë së ajrit”;
- Të sigurohen struktura brenda sheshit të ndërtimit për larjen dhe pastrimin e automjeteve/rrotave të automjeteve, para daljes nga sheshi i ndërtimit, në zbatim të VKM-së nr. 412, datë 19.6.2019 “Për miratimin e planit kombëtar për menaxhimin e cilësisë së ajrit”.
- Gjithashtu gjatë fazës së funksionimit, impianti të jetë i pajisur me filtra për kapjen e gazeve në mënyrë që të reduktohen shkarkimet e tyre në ajër.
- Në zbatim të legjislacionit përkatës për fushën e menaxhimit të kimikateve, sugjerohet që si gjatë fazës së punimeve ashtu edhe gjatë fazës së funksionimit, të mbahen në konsideratë rekomandimet e mëposhtme:
 - Subjekti dhe punonjësit duhet të jenë të familjarizuar dhe të respektojnë në mënyrë rigoroze masat dhe rekomandimet për mbrojtjen, sigurinë e njeriut dhe mjedisit, nga kimikatet që do të përdoren për qëllime të këtij aktiviteti, në zbatim të ligjit nr. 27/2016 “Menaxhimi i kimikateve”;
 - Kimikatet ose produktet/artikujt që i përmbajnë ato, që do të përdoren, duhet të jenë të klasifikuara, etiketuara, paketuara dhe të shoqërohen me dokumentacionin me të dhënat
 - Sygjerohet që duhet të përmbushë detyrimet për menaxhimin e mbetjeve, në zbatim të kuadrit ligjor në fuqi, në fushën e mbetjeve, si më poshtë vijon:
 - Të zbatohet Ligji nr. 10 463, date 22.09.2011, “Per menaxhimin e integruar të mbetjeve”, të ndryshuar.
 - Të respektohen kërkesat e Vendimit të Këshillit të Ministrave nr. 418, date 25.06.2014, “Për grumbullimin e diferencuar të mbetjeve në burim”.
 - Mbetjet që do të krijohen, të specifikohen sipas kodeve të Vendimit të Këshillit të Ministrave nr. 99, date 18.02.2005, “Për miratimin e katalogut shqiptar të klasifikimit të mbetjeve”, të ndryshuar.
 - Transferimi i mbetjeve jo të rrezikshme të shoqërohet me plotësimin e shtojcës 1 të Vendimit të Këshillit të Ministrave nr. 229, datë 23.04.2014, “Për miratimin e rregullave për transferimin e mbetjeve jo të rrezikshme dhe të dokumentit të transferimit të mbetjeve jo të rrezikshme”, të ndryshuar.

- Mbetjet e rrezikshme, të dorëzohen sipas Vendimit të Këshillit të Ministrave nr. 371, datë 11.06.2014 “Për përcaktimin e rregullave për dorëzimin e mbetjeve të rrezikshme dhe miratimin e dokumentit të dorëzimit të mbetjeve të rrezikshme”, të ndryshuar.
- Subjekti që do të transportojë ose do të transferojë mbetjet të jetë i pajisur me licensë III.2.B , si detyrim i nenit 57, të ligjit nr. 10463, date 22.09.2011 “Për menaxhimin e integruar të mbetjeve “ i ndryshuar.
- Gjatë fazës ndërtimore mbetjet inerte të gjeneruara të trajtohen sipas kërkesave të Vendimit të Këshillit të Ministrave nr. 575, datë 24. 06. 2015 “Për miratimin e kërkesave për menaxhimin e mbetjeve inerte”.
- Për të gjitha mbetjet nga ambalazhet të zbatohet Vendimi I Këshillit të Ministrave nr. 177, datë 06.03.2012, “Për ambalazhet dhe mbetjet e tyre”, i ndryshuar.
- Në veprimtarinë për të cilën aplikon subjekti, menaxhimi I mbetjeve të bëhet sipas Parimit të Përgjegjshmërisë Ndaj Mjedisit, në përputhje të plotë me VKM nr. 418, datë 27.5.2020 “Për miratimin e Dokumentit të Politikave Strategjike dhe të Planit Kombëtar për Menaxhimin e Integruar të Mbetjeve, 2020-2035”, duke synuar uljen e sasisë së mbetjeve të gjeneruara dhe menaxhimin në mënyrë të integruar të mbetjeve
- Ligj nr 68-2014 Datë 03.07.2014 Per disa shtesa dhe ndryshime ne Ligjin nr 9587, date 20.7.2006 Per mbrojtjen e biodiversitetit; te ndryshuar.
- Ligj nr 81 Datë 04.05.2017 Per Zonat e Mbrojtura;
- Ligji nr.10 006, Datë 23.10.2008 Për mbrojtjen e faunës së egër;
- Vendimt nr. 303, datë 10.5.2019 Për Miratimin e Listës së Rishikuar, të Përditësuar, të Monumenteve të Natyrës Shqiptare.
- Sa i takon sektorit të pyjeve, shprehet se nëse ndonjë aktivitet i projektit shtrihet në sipërfaqe pyjore/kullosore duhet të jepen treguesit kadstaralë të tyre dhe parashtrimi I rehabilitimit të tyre,nëse ndonjë aktivitet i projektit shtrihet në sipërfaqe pyjore duhet të kihet parasysh zbatimi me rigorizitet i nenit 12, të ligjit 57/2020, datë 30.4.2020 “Për Pyjet”.
- Sa i takon sektorit të biodiversitetit, sugjeroj që subjekti gjatë zhvillimit të aktivitetit duhet ti përmbahet legjislacionin në fuqi për mbrojtjen e natyrës dhe konkretisht ligjeve: Ligjin nr. 9587, date 20.7.2006 “Për mbrojtjen e biodiversitetit” i ndryshuar; Ligjin nr.10 006, datë 23.10.2008 “Për mbrojtjen e faunës së egër” i ndryshuar, si dhe të bëj rehabilitim e zonës me mbjellje pemësh;
- Sa i takon sektorit të cilësisë dhe pastërtisë së mjedisit sugjerojmë që subjekti gjatë zhvillimit të aktivitetit ti përmbahet legjislacionit në fuqi në lidhje me zhurmat

Agjencia Kombëtare e Zonave të Mbrojtura: Bazuar në planvendosjen dhe koordinatat e aplikimit, sipërfaqja ku kërkon të zhvillohet aktiviteti “Zhvillimi dhe prodhimi i hidrokarbureve në vendburimin Frakull” (3 puse ekzistues, Frakulla-19, Frakulla-109 dhe Frakulla-36b dhe shpimi i nje pusi të ri të emërtuar Frakulla-115) Vendburimi Frakull, Njësia Administrative Frakull dhe Levan, Bashkia Fier, me zhvillues “EDG NATURAL GAS” dhe aplikues “ENVIREMENTAL MANAGEMENT CONSULTANTS” me nr. Aplikimi AN141220220004, nuk ndodhet brenda rrjetit të zonave të mbrojtura

Agjencia Rajonale e Mjedisit shprehen: Ndikimet më të mëdha negative të këtij aktiviteti janë ndryshimi i peisazhit në një sipërfaqe të caktuar që presupozon sheshet dhe territoret e puseve të gazit. Aktiviteti që zhvillohet mund të shkaktojë rritje të shkallës së erozionit. Pjerrësia e terrenit mund të bëhet shkak që grimcat e tokës të ekspozohen ndaj agjentëve atmosferikë duke u shkëputur dhe lëvizur jashtë zonës së shfrytëzimit duke krijuar mundësi potenciale për ndotje të mjedisit. terra

Sugjerime:

- Të bëhet menaxhimi i mirë i mbetjeve sterile dhe dherave që do të prodhohen gjatë fazës së studimit për zbulimin e Gazit Natyror në zonë.
- Të evitohet efekti i mundshëm i erozionit në zonë.
- Mbetjet inerte që do të gjenerohen nga procesi i punës të trajtohen sipas kërkesave të Vendimit të Këshillit të Ministrave nr. 575, datë 24.06.2015 "Për miratimin e kërkesave për menaxhimin e mbetjeve inerte"
- Të bëhet sistemimimi i dherave në sheshet e puseve për të gjithë sipërfaqen që do të shfrytëzohet për të krijuar sipërfaqet për mbjellje pemësh të zonës duke përmirësuar dhe peisazhin natyror dhe rritur cilësinë e ajrit në zonë.
- Mbetjet sterile dhe inerte të ripërdoren për rehabilitimin e zonës së shfrytëzimit dhe për ndërtimin e një sërë rrugësh të brendshme në zonën e puseve.
- Të përdoret ujë për lagjen e territorit në formë spërkatje për shmangien e pluhurave.
- Të monitorohet niveli i zhurmave sipas Udhëzimit Nr.8, datë 27.11.2007 "Për nivelet kufi të zhurmave në mjedis të caktuara.
- Të zbatohet legjislacioni mjedisor në fuqi gjatë fazës së studimit dhe shfrytëzimit.
- Territori ku kryhet aktiviteti duhet të rrethohet me tabela paralajmëruese ku të tregohet për punimet që kryhen, rradhën e kryerjes së tyre dhe rrezikshmërinë.
- Të kryhet rehabilitimi përfundimtar i shesheve të puseve, rrugëve lidhëse të puseve, shesheve të depozitimit të sterileve etj.
- Të llogariten distancat e rrezikshme nga përdorimi i lëndëve plasëse, nëse do të duhet të përdoren, për efekt të kërkimeve të gazit natyror.
- Lidhur me sigurinë e jetës së punonjësve në territor të përdoren pajisje sinjalizuese të cilat evidentojnë rrjedhje e mundshme të gazit natyror dhe shpëtojnë jetë.
- Shpërthimet dhe plasjet me eksploziv të kryhen në orare të tilla që zhurmat të kenë ndikim minimal në zonën përreth dhe të mos kenë efekte në banesat e komuniteteve lokale. Në rast se do të ketë dëme materiale për efekt të kryerjes së operacioneve hidrokarbure nga kompania EDG Natural Gas të realizohet dëmshpërblimi sipas legjislacionit vendas në fuqi.
- Përgjatë gjithë rrugës së brendshme të puseve të vendosen sinjalistikat përkatëse duke ju krijuar mundësinë punonjësve dhe banorëve të komuniteteve zonal të orientohen sipas rregullave në zonat industriale.
- Nëse do të kemi ndërhyrje në rrugët e aksesit në zonat e puseve këto do të nevojitet të realizohen me projekte të studiuara mirë duke u marrë në konsideratë dhe rehabilitimi i plotë i mjedisëve të dëmtuara nga ndërhyrjet siç parashikohet në legjislacionin mjedisor.
- Të monitorohet secili prej shesheve dhe puseve aktivë të nxjerrjes së gazit natyror.
- Të monitorohen dhe mirëmbahen pajisjet, makineritë dhe instalimet për të evituar korrozionin e tyre dhe bërjen shkak për incidente dhe rrjedhje aksidentale të rrezikshme.
- Të zbatohen normat kufi të shkarkimeve, referuar VKM Nr.435, datë 12.09.2002 "Për miratimin e normave të shkarkimit në ajër në Republikën e Shqipërisë".

2. Informacion për procesin e realizuar të konsultimit me publikun:

Konsultimi me publikun: Morën pjesë përfaqësues nga komuniteti i zonës, përfaqësues nga Pushteti Vendor si dhe nga Drejtoria Rajonale e Mjedisit dhe përfaqësues nga studio mjedisore. Në takim është prezantuar projekti, janë dëgjuar sugjerimet e pjesëmarrësve, të cilat do të merren parasysh nga ana e investitorëve, gjatë kohës së shfrytëzimit. Nga ana e investitoreve iu sigurova të pranishmeve që do të merren të gjitha masat për eliminimin e ndikimeve negative në mjedis, duke mos cënuar jetën e

banorëve. Kërkesat e pjesëmarrësve, do të mbahen parasysht, në fazën kur shoqëria do të fillojë procedurat për fazën e shfrytëzimit.

3. Arsyet dhe konsideratat kryesore, ku është mbështetur mendimi;

- **Vendim i Këshillit të Ministrave Nr.401, datë 9.06.2022 “Për miratimin e marrëveshjes Hidrokarbureve me ndarje prodhimi për Zhvillimin dhe prodhimin e hidrokarbureve në vendburimin e gazit natyror Frakull, ndërmjet ALBPETROL” Sh.a dhe “EDG NATURAL GAS” Sh.p.k**
- **Proces Verbal i marrjes në dorëzim të puseve (19-109-36b), ndërmjet “Albpetrol” Sh.a dhe “EDG Natural Gas”, datë 25.07.2022 “Për Zhvillimin dhe prodhimin e hidrokarbureve në vendburimin Frakull”.**
- **Mendimin e Agjencisë Kombëtare të Zonave të Mbrojtura.**
- **Mendimin e Drejtorive Teknike të Ministrisë së Turizmit dhe Mjedisit.**
- **Mendimin e Agjencisë Rajonale të Mjedisit.**
- **Në mendimin e anëtarëve të Komisionit 5, datë 10.01.2023, i mbledhur në zbatim të Urdhërit nr.106, datë 19.05.2022, “Një ndryshim në Urdhërin nr.75, datë 13.04.2022, për “Krijimin e komisionit teknik për shqyrtimin e kërkesave që i nënshtrohen procedurës paraprake dhe të thelluar të vlerësimit të ndikimit në mjedis”.**

4. Përshkrimin, sipas rastit, të masave kryesore që duhen marrë për të shmangur, reduktuar e nëse është e mundur, për të korrigjuar efektet negative të rëndësishme.

- 4.1** Ky objekt të ndërtohet në përputhje të plotë me Planin e Përgjithshëm Vendor dhe Planin e Detajuar Vendor, të miratuar nga organet kompetente (KKT / Bashkia / Njësi Administrative) dhe akteve ligjore dhe nënligjore në fuqi.
- 4.2** Ky vendim nuk është leje zhvillimi përfundimtare për zbatimin e këtij projekti, por është një dokument i cili lëshohet me kusht që në rast se do të zhvillohet ky aktivitet, duhet të zbatohet kushtet e vendosura si detyrim që vjen nga Ligji Nr. 10431, datë 9.6.2011 “Për Mbrojtjen e Mjedisit”, si dhe Ligji nr. 10 440, datë 07.07.2011 “Për Vlerësimin e Ndikimit në Mjedis”, të ndryshuar, KREU I, Neni 1, Pika a); KREU II, Neni 7, Pika 1; KREU V, Neni 20, Pika 1.
- 4.3** Kjo deklaratë është e vlefshme pas miratimit nga institucionet përkatëse. Aktiviteti të zhvillohet vetëm brenda sipërfaqjes dhe koordinatave të kërkuara në aplikim.
- 4.4** Ndalohen rreptësisht punimet në zonat e mbrojtura
- 4.5** Në bazë të Ligjit Nr. 81/2017, “Për Zonat e Mbrojtura”, nga zbatuesit e projektit të merren masa që mos të dëmtohen zonat me status të vecantë.
- 4.6** Subjekti duhet të tregoj kujdes të veçantë me monumentet e natyrës të cilt ndodhen në zonë.
- 4.7** Kjo Deklaratë është e vlefshme pasi subjekti të bëjë heqjen nga Fondi Pyjor, në rast se aktiviteti bie në një të tillë.
- 4.8** Në rast se gjatë punimeve shfaqen elemente të tillë si: objekte kulti, gjurmë arkeologjike, burime ujore etj, subjekti të ndërpresë punimet dhe të lajmërojë urgjentisht organet kompetente.
- 4.9** Subjekti të zbatojë me korrektësi kërkesat e Legjislacionit Shqipëtar për mbrojtjen e mjedisit dhe komunitetit.
- 4.10** Para fillimit të zbatimit të projektit në terren, të hartohet Plani i Menaxhimit Mjedisor.
- 4.11** Kompania të ndjek me përpikmëri projektin për të evituar rrëshkitjet e dherave dhe aksidentet e mundshme.

- 4.12 Proçesi teknologjik të kryhet në bazë të studimeve gjeologjike dhe hidrologjike për të shmangur në maksimum dëmtimin e burimeve ujore, devijimin e rrymave ujore, erozionin dhe dëmtimin e zonave përreth.
- 4.13 Proçesi i shpimit të pusit të mos dëmtojë vepra dhe infrastrukturën e ujitjes, kullimit dhe objekteve të tjera në afërsi, barriera mbrojtëse, tubacione ujësjellesi kanale etj.
- 4.14 Ndalohet kategorikisht shkarkimi i mbetjeve në shtratin e lumit ne rast se gjenerohen te tilla.

Gjatë fazës së instalimit:

- 4.15 Të vendoset sinjalistika paralajmëruese përgjatë gjithë segmentit të punimeve me qëllim shmangien e aksidenteve njerëzore
- 4.16 Të kontrollohen kushtet teknike të mjeteve të punës në mënyrë periodike për të evituar, parandaluar rrjedhjet e lubrifikantëve e të hidrokarbureve në mjedis, emetimin e gazeve të shkaktuara nga avari teknike të mjeteve të subjektit.
- 4.17 Të respektohet distanca nga rruga, gjatë fazës së instalimit dhe kryerjes së punimeve, sipas legjislationit në fuqi.
- 4.18 Përdorimi i pajisjeve, automjetet, që emetojnë nivele zhurmash brenda normave të lejuara të emetimit 60 – 100 db.
- 4.19 Subjekti të realizojë në mënyrë të menjëhershme çdo ndërhyrje teknike për të riparuar çdo fenomen negativ në mjedis si pasojë e veprimtarisë së tij.
- 4.20 Të sistemohen brenda sipërfaqjes së shfrytëzimit të gjitha sterilet e gjeneruara nga shfrytëzimi i karrierës
- 4.21 Në raste aksidentesh ose defektesh teknologjike që shkaktojnë ndotje të mjedisit, subjekti menjëherë duhet të jap informacion në DRM-në e qarkut përkatës dhe AKM, të cilat bëjnë të mundur njoftimin e popullatës që preket nga ky aksident.
- 4.22 Të mbillen pemë në të gjithë perimetrin e zonës për të minimizuar ndikimet në mjedis dhe përmirësuar pejsazhin.
- 4.23 Subjekti të kujdeset për menaxhimin e mbetjeve të krijuara gjatë fazës së instalimit, sidomos ato të ambalazhimit, duke i transportuar në mënyrë të rregullt në vend grumbullimit e caktura nga njësi vendore. Zotëruesit e mbetjeve inerte duhet të zbatojnë detyrimet që janë të përcaktuara në VKM nr.575, datë 24.06.2015 "Për miratimin e kërkesave për menaxhimin e mbetjeve inerte".
- 4.24 Përgjatë gjithë rrugës së brendshme të karrierës (përfshi transhetë), të hapet një kanal ujëmbledhës i orientuar drejt një grope dekantimi, për mbledhjen dhe disiplinimin e ujërave gjatë kohës së shfrytëzimit.
- 4.25 Subjekti të respektojë kushtet lidhur me mbrojtjen e biodiversitetit, menaxhimin e pyjeve, emetimet në ajër, shkarkimet e ujërave të ndotura, menaxhimin e mbetjeve etj.
- 4.26 Kompania duhet të respektojë gjithashtu kushtet e vendosura në raportin e VNM-së të aplikuar si dhe Ligjin Nr. 10 431, datë 9.6.2011 "Për Mbrojtjen e Mjedisit".
- 4.27 **Gjatë fazës së funksionimit, ky aktivitet do të ketë efekte në mjedis, në bazë të Ligjit nr. 60/2014 datë 19.6.2014, "Për një ndryshim në ligjin nr. 10448, datë 14.7.2011, "Për Lejet e Mjedisit", të ndryshuar, Shtojca I, duhet t'i nënshtrohet procedurave për paisje me Leje Mjedisore.**

5. Monitorimi dhe Raportimi

Në bazë të Ligjit Nr. 128/2020 Për disa ndryshime dhe shtesa në Ligjin Nr. 10440, datë: 07.07.2011, “Për Vlerësimin e Ndikimit në Mjedis”, të ndryshuar, Neni 25/1 “Monitorimi dhe vlefshmëria”, zhvilluesi ka detyrimet si më poshtë:

- Zhurma dhe Vibracionet

- Të zbatohen nivelet kufi të zhurmës, referuar Udhëzimit Nr. 8, date 27.11.2007 “Për nivelet kufi të zhurmave në mjedise të caktuara” dhe Ligjit Nr.9774 date 12.07.2007 “Për vlerësimin dhe administrimin e zhurmës në mjedis”
- Të merren masa për mbrojtjen e punonjësve nga zhurmat.
- Të merren masat për kufizimin e orareve të punës në kantier.
- Operatori duhet të parandalojë gjenerimin e zhurmës impulsive në zonat e ndjeshme ndaj zhurmës, gjatë operimit të instalimeve.
- Vibrimet në vende të ndjeshme nuk duhet të kalojë 10 mm/s (PPV) në çdo kohë.
- Të bëhet monitorimi i zhurmave për mjediset: automjete/kamiona në hyrje të kantierit, kantier ndërtimi dhe mjedisi urban më i afert me kantierin çdo 6 muaj.

Tabela e niveleve kufi:

| Mjedisi | Vlera kufi e zhurmës dB(A) Leq, T Ditë | Vlera kufi e zhurmës dB(A) Leq, T Mbrëmje | Raportimi në AKM | Periodiciteti |
|---|--|---|------------------|---------------|
| Automjete/kamiona ne hyrje te kantierit | 55 | 45 | 12.07.2023 | Çdo 6 muaj |
| Kantier ndertimi | 55 | 45 | 12.07.2023 | Çdo 6 muaj |
| Mjedisi urban me i afert me kantierin | 55 | 45 | 12.07.2023 | Çdo 6 muaj |

- Shkarkimet në Ajër

- Të zbatohen nivelet kufi të shkarkimeve në ajër, referuar Ligjit Nr. 162/2014 “Për Mbrojtjen e Cilësisë së Ajrit në Mjedis” dhe VKM Nr. 248, datë: 24.03.2003 “Për Miratimin e Normave të Përkohshme të Shkarkimeve në Ajër dhe Zbatimin e tyre”.
- Shkarkimet në ajër të jene brenda normave të lejuara, duke marre masa për reduktimin e tyre.
- Kantieri në të cilin emetohen lëndë grimcore në ajër, duhet të pajiset sipas mundësive teknike dhe mbi bazën e natyrës së procesit, me rrjeta uji / sisteme spërkatje / sisteme heqje pluhurash.
- Të bëhet monitorimi i nivelit të pluhurave në ajër, për mjediset: kantier ndërtimi dhe mjedisi urban më i afert me kantierin çdo 6 muaj.

Tabela e niveleve kufi

| Ndotësi | Përqëndrimi | Raportimi në AKM | Periodiciteti |
|-------------------------------------|--|------------------|---------------|
| Lënda grimcore (PM _{2.5}) | 20-25 µg/m ³ | 12.07.2023 | Çdo 6 muaj |
| PM ₁₀ | 50 µg/m ³ , 40 µg/m ³ | 12.07.2023 | Çdo 6 muaj |

- Cilësia e ujrave

Parametrat që duhet të monitorohen

| Ndotësi | Përqëndrimi | Raportimi në AKM | Periodiciteti |
|-------------------|--------------------|-------------------------|----------------------|
| Lëndët në pezulli | 50 mg/l | 12.07.2023 | Çdo 6 muaj |

- **Subjekti duhet të sjellë pranë AKM-së si më poshtë:**
- Informacion në momentin e fillimit të punimeve
- Raportimin periodik për parametrat që do të monitorohen sipas datës së raportimit/ çdo 6 muaj.
- Informacion në përfundim të punimeve, lidhur me punimet rehabilituese të territorit përreth, shoqëruar edhe me foto.

- **Afati i Vlefshmërisë**
- Vendimi për VNM-në paraprake për projektin e propozuar është e vlefshme për aq kohë sa është i vlefshëm edhe dokumenti i miratimit të zhvillimit për projektin.
- Nëse projekti, që i është nënshtruar procesit të VNM-së, nuk fillon zbatimin në terren brenda 2 vjetëve nga data e miratimit të deklaratës mjedisore apo të vendimit për VNM-në paraprake, atëherë këto dokumente konsiderohen të pavlefshme dhe procesi i VNM-së fillon nga e para.

Në bazë të udhëzimit të MM dhe MF nr. 7938, datë 17.7.2014 “Për përcaktimin e tarifave dhe vlerave përkatëse për shërbimet që kryen Ministria e Mjedisit për procesin e VNM-së”, ky subjekt ka kryer pagesën 50.000 lekë.

DREJTOR I PËRGJITHSHËM

ARTA DOLLANI

MINISTRI

MIRELA KUMBARO FURXHI

Konceptoi:

Pranoi:

Aneksi 1. Harta me koordinatat.




Figura 12 - Pozicioni i puseve përkundrajt zonave të banuara

